



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 79. Frag.

urn:nbn:de:hbz:466:1-32773

so er doch desselben Ordens/wie der Prophet Dauidt bezeugt/ am 109. Psalm/ein Priester ist/vnd deshalb darauff folget/ daß das Opffer so Melchisedech mit Brodt vnd Wein in der Figur zuvor bedeutet hat/durch Christum in der Warheit vollbracht solt werden/wie es dann die allgemeyne Kirch Gottes zu jeden zeiten hat verstanden vnd glaubt.

Die 79. Frag.

ES hat Malachias der Prophet geweyssaget/ wie von auffgang der Sonnen bis zu nidergang/an allen Orten solt ein reins vnbeslecktes Opffer aufgeopffert werden/ welches da ist der zarte Fronleichnam Christi Jesu/so in dem Fronampt der H. Mess vnder den gestalten Brods vnd Weins/ dem gütigen Gott zu vnser versöhnung wirdt fürgestellt/ dann also habens die heiligen Väter allezeit verstanden vnd außgelegt/ Wie will nun aber einer in seinem Gewissen bestehen/vnd sich solcher Leichtfertigkeit versprechen/der die heylsame/wolgegründte Auflegung aller heiligen Kirchen Lehrer auffgibt vnd verwirfft/vnd an statt derselben/ ein neuwe vnerhörte Meynung annimpt/ die Caluinus erst vor dreyn Tagen hat auß seinem Schwindelhirn herfür gebracht/ der dann darff vnverschämpt sagen/es haben Ireneus/Athanasius/Ambrosius/Augustinus vnd Arnobius sich wider die eynsätzung vnser Herren gesetzt/ als sie das Opffer Melchisedechs vnd Malachie haben auß die Mess außgelegt.

